

# INFRASTRUKTURNI PROJEKTI 2004 - 2008

Svjedoci smo brojnih značajnih infrastrukturnih projekata koji su realizovani u periodu 2004.-2008. godina. Zahvaljujući sposobnoj administraciji, koja je kvalitetnim projektima i lobiranjem uspjela dobiti sa viših nivoa vlasti značajna novčana sredstva kao i povećanim izdvajanjima iz općinskog budžeta, u ovom periodu je u razne infrastrukturne projekte uloženo preko 16.000.000 KM, zbog čega su Srebrenik kao i MZ-e infrastrukturno preporođeni. U saradnji sa građanima asfaltirano je preko 30 km lokalnih puteva i gradskih ulica, izgrađeno je i rekonstruisano nekoliko vodovoda, izgrađeno je 15 novih kanalizacionih krakova dužine 12 km, dograđena je zgrada Doma zdravlja, regulisano je korito rijeke Tinje, sanirana je gradska deponija otpada, izgrađene brojne javne rasvjete... Ovaj specijalni dodatak predstavlja presjek nekoliko značajnijih projekata, obzirom da bi nabrojanje svega urađenog zahtijevalo znatno veći prostor.

## Sanirana deponija otpada u Babunovićima



*Početak radova na sanaciji deponije*



*Završena je prva faza sanacije deponije*



*U II fazi završena je izrada podloge površine 4000 m<sup>2</sup> na koju će se u narednom periodu moći propisno odlagati otpad, dok će se uraditi prekrivka na dodatnih 3000m<sup>2</sup> gdje je završeno odlaganje otpada*

Nakon što je općina Srebrenik otkupila zemljište u vrijednosti oko 160.000 KM, početkom marta 2007. g. krenula je realizacija I faze sanacije deponije otpada vrijednosti oko 892.000 KM, koju su radnici «ITK Musić» Srebrenik okončali u aprilu 2008.g. Svi radovi na pripremanju podloge, prebacivanju ranije deponovanog otpada, izgradnji sistema za prikupljanje procjednih voda, sistema za otplinjavanje te završno prekrivanje nepropusnim slojevima i zemljom, su urađeni po projektno-tehničkoj dokumentaciji, čime je ova deponija ispunila sve ekološke i sanitarne norme EU, te je, kao jedina na TK-u, nedavno dobila prolaznu ocjenu od Komisije Vlade TK-a i kantonalne inspekcije. Trenutno se izvode radovi na II fazi sanacije deponije otpada vrijednosti oko 425.000 KM, u sklopu kojih je završena izgradnja kasete površine 4000m<sup>2</sup> za odlaganje otpada u narednom periodu. Radovi su finansirani uglavnom iz općinskog budžeta, uz manju pomoć nadležnog kantonalnog ministarstva i Vlade FBiH.

*U proljeće 2005.godine Gornji Čekanići su dobili 2.100 metara novog asfaltnog puta, čija je vrijednost 155.000 KM, dok je za 220 metara puta u Gornjoj Tinji u ljeto iste godine utrošeno 18.000 KM. Od sredine 2005.godine mještani N.N. Kiseljak dobili su i drugu traku na mostu kojim se dolazi u ovo prigradsko naselje, u šta je investirano blizu 70.000 KM. U Dubokom Potoku, također u ljeto 2005.godine, otvorena su dva putna pravca, za šta je utrošeno više od 70.000 KM. U puteve MZ Cage u 2005.godini investirano je više od 200.000 KM, a riječ je o 780 metara puta u Centru ove MZ, kao i dva lokalna puta u dužini od po 650 metara.*



*Otvaranje puta u Dubokom Potoku*



*Otvaranje mosta u Kiseljaku*



*Asfaltiran je put u Čagama*



*Sa ceremonije otvaranja novog mosta u Kiseljaku*



*Gornji Čekanići dobili asfaltni put*



*Otvaranje puta u Gornjoj Tinji*

*Salihbašići su dobili 2.500 metara novog asfaltnog puta u šta je investirano 215.000 KM. Kroz naselje Bjelave položeno je 290 metara asfaltnog puta u šta je investirano 21.000 KM, dok je u asfaltiranje jednog kraka u Falešićima uloženo 20.000 KM. Prilaz poslovnici Elektro-distribucije također je asfaltiran u dužini 200 metara a investicija je vrijedna 30.000 KM. Za asfaltiranje puta u Gornjem Srebreniku dužine 300 metara uloženo je 130.000 KM, a ovim projektom su sanirana i velika klizišta. Mještani naselja Straža, dobili su 400 metara novog puta kako bi imali bolji pristup mjesnom groblju, a izradeni su i trotoari kroz prigradsko naselje Čehaje pored Magistralnog puta.*



*Asfaltiran je put u Gornjem Srebreniku*



*Asfaltirana je ulica Vahida Ibrića u Srebreniku*



*Trotoari na Magistralnom putu kroz Čehaje*



*Salihbašići su dobili asfaltiran put*



*Probijen je put za groblje u Straži*




*Novi asfalt za mještane Bjelava*



*Rekonstruisana je Radnička ulica u Srebreniku*



*Otvoren je Regionalni put Preville-Čelić*



*Rekonstruisan je Reg. put kroz Drapniće*



*Asfaltiran je put Brezik-Zahirovići*



*Rekonstruisan je put kroz Lisoviće*



*Otvaranje puta u Uroži*

***Mještani Urože dobili su konačno prve kilometre asfaltnog puta krajem 2006.godine, a u ovih 1.640 metara investirano je 143.000 KM. Regionalni put Preville-Čelić ugledao je svjetlo dana i to u dužini od 860 metara a vrijednost ove investicije je 200.000 KM. Dionica Brezik-Zahirovići u dužini od 950 metara vrijedna je 100.000 KM. U Lisovićima je postavljen novi asfaltni sloj u dužini od 2.500 metara vrijedan 170.000 KM, a za put kroz Drapniće dužine 670 metara uloženo je 237.000 KM. Također, rekonstruisana je i Radnička ulica u Centru Srebrenika, a u njoj su izgrađeni i novi parking-prostori. Tokom 2006.godine asfaltiran je i put Dedići-Seona u dužini od oko 2000m u šta su građani i Općina uložili oko 157.000 KM.***



*Rekonstruisan je Reg. put kroz Bare*



*Radovi na izgradnji ulice iza Doma zdravlja*



*Radovi na izgradnji ulice iza Doma kulture*



*Asfaltirana je ulica iza Doma zdravlja*



*Nova ulica i parkinzi iza Doma kulture*



*Obilazak trase novog puta u Babunovićima*

*Dva velika projekta urađena su u Centru Srebrenika, i to ulica i parking prostori iza «Doma zdravlja» kao i pored «Centra za kulturu i informisanje» sa savremenom rasvjetom u šta je investirano 280.000 KM. U MZ Babunovići investirano je 220.000 KM u putne pravce i to u mjesnom uredu Ferizovići, zatim Avdići-Gajevi te Okreta-Kanatić u ukupnoj dužini od 2.500 metara. Da Bare više neće biti bare, dokaz je infrastrukturni projekat kroz ovo naselje u dužini od 1.000 metara gdje su izgrađeni novi odvodi sa trotoarima, sa modernom cestom u šta je investirano 800.000 KM. Kada se uzme u obzir da je ovo naselje sada zaštićeno i od poplava, može s pravom kazati da su Bare postale moderno prigradsko naselje.*

*U jedan od najznačajnijih projekata u Centru Srebrenika investirano je 240.000 KM a u pitanju je rekonstrukcija dionice Reg. puta u dužini od 500 metara od motela «Park» do Policijske stanice, dok je u raskrnicu kod «OS-Petrola» investirano 220.000 KM, čime se dobio još jedan izlaz na Magistralni put. Prigradsko naselje Sječe dobili su 450 metara novog asfaltnog puta u šta je investirano 34.000 KM. Rekonstruisan je put kroz Ljenobud do Dubokog Potoka gdje je za 1.500 metara asfaltnog puta utrošeno 150.000 KM. Mještani Crvenog Brda dobili su novu putnu komunikaciju dužine 1.300 metara u šta je utrošeno 54.000 KM, dok je za spajanje asfaltnim putem Mustafića sa Čehajama u dužini od 1.000 metara, utrošeno 65.000 KM, a uskoro slijedi asfaltiranje i preostalih 1.500 metara.*



*Asfaltirana je raskrsnica Reg. i Mag. puta*



*Rekonstruisana je raskrsnica kod MUP-a*



*Asfaltiran je put Čehaje-Mustafići*



*Naselje Sječe je dobilo novi asfalt*



*Otvorenje novog asfaltnog puta kroz Ljenobud*



*U Crvenom Brdu 1.300 metara novog puta*

*Prigradsko naselje Polje spojeno je asfaltnim putem sa Magistralnom cestom Tuzla-Orašje u dužini od 640 metara, u šta je investirano 63.000 KM. Više od 62.000 KM utrošeno je u 850 metara novog asfaltnog sloja u Gornjim Čekanićima, dok je naselje Behrami dobilo novu savremenu rasvjetu u dužini od 700 metara kroz ovo naselje sve do Šahmera, a ukupna vrijednost ovog projekta je 17.500 KM. S obzirom da je od Centra Srebrenika udaljena desetak kilometara, mještanima Sladna je priskrbljena apoteka, kako bi im lijekovi bili na dohvat ruke, a Općina Srebrenik je ovdje uložila 20.000 KM. Naselje Uroža spojeno je novim slojem asfalta sa Kiseljakom, a u rekonstrukciju 300 metara ovoga puta investirano je 34.000 KM, dok je u 400 metara puta u Centru Špionice uloženo 40.000 KM.*



*Asfaltiran je putni pravac Uroža-Kiseljak*



*Gornjim Čekanićima 850 metara novog asfalta*



*Centar Špionice je dobio novi asfaltirani put*



*Nova rasvjeta u Behramima*



*N.N. Polje je asfaltom spojeno sa Mag. putem*



*Sladna dobila apoteku*



*NN.Kiseljak je dobilo Dječiji zabavni park*



*Dubokom Potoku nova rasvjeta*



*Okončana je konzervacija Starog grada «Gradine»*



*NN Sječe su dobile potpuno novu rasvjetu*



*Sanacija kanalizacije u Čojlučkom polju*



*Falešići su dobili sportski poligon sa rasvjetom*

***Kako bi se mališanima u N.N. Kiseljak obezbijedili sadržaj za igru i zabavu, u ovom prigradskom naselju otvoren je Zabavni park u šta je investirano više od 7.000 KM. U junu 2007.godine investirano je 250.000 KM za kanalizaciju u Babunovićima i Čojlučkom polju, čime je riješen jedan veliki infrastrukturni projekat. Novu rasvjeta stigla je i u Duboki Potok, a vrijednost ovog projekta je 200.000 KM. Nakon što je prigradsko naselje Sječe dobilo novi asfalt, uslijedio je i projekat uređenja javne rasvjete koji je iznosio 8.300 KM. Falešići su također dobili prostor za sport i rekreaciju, a za poligon sa rasvjetom utrošeno je 41.000 KM. Kako bi se zaustavilo urušavanje Starog grada u Gornjem Srebreniku, izvršena je konzervacija «Gradine» a vrijednost ovih radova iznose 98.000 KM.***



*Izgrađen je vodovod u MZ Ibrići*



*U G. Moranjcima je sanirano veliko klizište*



*Nova javna rasvjeta u ulici Rukiba Sinanovića*



*Mališani u Rapatnici su dobili sportski poligon*



*Nova rasvjeta pored «Papagajke»*



*Mještani Donjih Moranjaka su dobili sportski poligon*

**Mještani Ibrića konačno su riješili pitanje vodosnadbijevanja, a ovaj projekat vrijedan je 120.000 KM. Javna rasvjeta stigla je u ulice Rukiba Sinanovića, Džemala Bijedića, Safvet-bega Bašagića, pored stambeno-poslovne zgrade «Papagajka», između «Mješovite srednje škole» i «Prve osnovne škole», kao i u Donjim Hrgovima, a vrijednost ovog projekta je 47.000 KM. Veliko klizište sanirano je u Gornjim Moranjcima na Regionalnom putu Orahovica-Srebrenik u šta je investirano 185.000 KM, dok je u Donjim Moranjcima izgrađen sportski poligon vrijedan 18.600 KM. Naselje Rapatnica dobilo je također sportski poligon vrijedan 5.000 KM, dok je kod OŠ u Kugama izgrađen sportski poligon vrijednosti 23.000KM, a u toku je izgradnja sportskog poligona u Čehajama vrijednosti oko 30.000 KM.**

*Poplave koje su ranijih godina nanijele milionske štete, očito se više neće dešavati na području općine Srebrenik, s obzirom da se za korićenje rijeke Tinje i Slanjanske rijeke utrošilo više od 800.000 KM, a u postupku je tenderska procedura za izbor ponuđača za korićenje rijeke Tinje prema Kiseljaku u dužini oko 1km i iznosa preko 1 milion KM. Javno komunalno preduzeće «9.septembar» konačno je dobilo nove prostorije na Kiseljaku nakon što je izmješteno iz Centra Srebrenika u čiji je projekat investirano više stotina hiljada maraka. Mještani prigradskog naselja Kiseljak dobili su poligon za vanjski šah u šta je investirano 9.000 KM, dok su identičan dobili i stanovnici Dubokog Potoka, kao i građani Centra Srebrenika. Rekonstruisana je postojeća i postavljena nova rasvjeta na «Zelenoj pijaci».*



*Slanjanska rijeka je ukorićena*



*Nova rasvjeta na «Zelenoj pijaci»*



*...a i rijeka Tinja*



*Nova upravna zgrada JKP» 9.septembar»*



*Poligon za vanjski šah na Kiseljaku*



*I Duboki Potok je dobio poligon za vanjski šah*

*Da nisu zaboravljeni oni koji su položili svoje živote za odbranu ove zemlje, svjedoče i spomen-obilježja, koja su izgrađena u zadnje četiri godine. Kako bi borci i šehidi koji su dali svoje živote za odbranu Bosne i Hercegovine dobili pravo mjesto i spomen-obilježje, pobrinula se izvršna i zakonodavna vlast koja je u sklopu novoizgrađenog Trga u ulici Alije Izetbegovića izgradila Centralno spomen-obilježje, dok su izgrađena i ona po mjesnim zajednicama. Za ono koje će podsjećati na «Slanjansku četu» gdje je svoje živote dalo 23 borca A RBiH, zatim za šehide i borce u naselju Brezik, pa u Donjoj Špionici, Huremima te u Behramima, a otkriveno je i spomen-obilježje Veljku Lukiću-Kurjaku, borcu NOR-a, koje je otvoreno u naselju Tinja.*



*Centralno spomen-obilježje u Centru Srebrenika*



*Spomen-obilježje u Breziku*



*Spomen-obilježje u Huremima*



*Šehidi iz Špionice su dobili dostojno spomen-obilježje*



*Spomen-ploča Slanjanskoj četi*



*Spomen-obilježje u Behramima*

*U cilju unapređenja zdravstvene zaštite JZU Dom zdravlja Srebrenik je dobila dodatnih 1000m<sup>2</sup> prostora, objekat je u potpunosti rekonstruisan, opremljene su ambulante porodične medicine u centrima MZ-a, u šta je ukupno uloženo preko 1 milion KM. U proteklom periodu je dograđen i rekonstruisana zgrada Mješovite srednje škole Srebrenik u šta je ukupno uloženo oko 600.000 KM, dok je kod Druge osnovne škole pri kraju izgradnja sportske dvorane u šta je do sada uloženo oko 900.000 KM. Dogradnjom zgrade Obdaništa u Srebreniku u šta je uloženo 33.000 KM, isto je dobilo 72 m<sup>2</sup> korisne površine, čime je obezbijeđeno podizanje kvaliteta usluga na viši nivo. Na mjestu stare zgrade Medžlisa IZ Srebrenik, koja je bila jedna od najstarijih zgrada u Srebreniku, izgrađen je moderan objekat Medžlisa IZ Srebrenik.*



*Dograđen je i rekonstruisan objekat Doma zdravlja*



*Bivša zgrada Medžlisa IZ Srebrenik*



*U dogradnju Obdaništa uloženo 33.000 KM*



*Izgrađena je nova zgrada Medžlisa IZ Srebrenik*



*Dograđen je i rekonstruisan objekat MŠS Srebrenik*



*Nova sportska dvorana kod Druge osnovne škole*